

**Arpattarfiit aammalu atletik atorlugu sungiusartarfiit allat nuna tamakkerlugu sananeqarsinnaanerinik periarfissanik misissuinissamik Naalakkersuisut peqquneqarnissaat pillugu Inatsisartunut aalajangiiffisassatut siunnersuut.**  
(Inatsisartunut ilaasortaq Nivi Olsen, Demokraatit)

### **Akissuteqaat**

(Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

### **Aappassaaneerneqarnera**

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq siunnersuutip suliarineqarneranut isumaliutissiissutaanullu suliarineqarneranut Naalakkersuisut sinnerlugit qutsavigerusuppara.

Naalakkersuisut siunersiuinermi Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq peqatigalugu nalunaarutigaa, Naalakkersuisut siunersuisoqannginnerani naatsorsuinnermut tunngaviusut misissuinissamut naligitinneqartut misissoqqissaarneqarsimasut, misissueqqissaarnerullu ersersippaa naatsorsuinnermut tunngavigineqartut erseqqissuunngitsut. Tamanna tunngavigalugu akimik naatsorsuiniarnermi suliffeqarfik illussanik titartaasartut/konstruktørillu attaveqaqatigineqarput tassanilu pissarsiaralugu naatsorsuinnermut tunngavissaq. Tamanna tunuliaqutaralugu naatsorsueqqinnermi nalilerneqarpoq suliassaq akuersissutigineqassaguni siunnersuuteqartup 500.000, kr.-imik naliligaata iluani naammassineqarsinnaasoq, tamannalu aamma siunersuisoqarnerani nalunaarutigineqarpoq.

Taamatut oqaaseqarlunga Naalakkersuisut sinnerlugit siunnersuutip akuerineqarnissaa Inatsisartunut innersuussutigaa.